

四百三十二峯草堂詩鈔

四百三十二峰草堂詩鈔卷第十三

惠州 趙希璜 渭川

甲寅

湯陰縣署池荷盛開時屆新秋金風徐引香滿座隅
頓爽心目孫嶽嵐明府招飲賞花走筆戲贈

真妃出浴華清宮嫣然含笑波光紅我來醉飫芳香濃玲
瓏碧玉裁荷筒金風入座爽心目嘉蔭當軒森竹木新秋
畢竟尙餘炎座客何緣聊免俗遂使俗骨偏超仙喜逢思
邈開華筵曼卿本是芙蓉主玉局初遊色界天西南一角
湯陰縣衙齋半畝兼葭岸誰攜紅線忽移家戲與逍遙狂
吏伴

茉莉花

膩香素面自輕盈
小院風吹月影清
薔薇不教同證果
依人兒女太多情

移來粵海遠分香
鄴下偏誇殿衆芳
銅雀秋新花夢杳
無須更喚小南強

水閣花田四面牕
幾多風月憶珠江
摸魚歌到興亡際
爭笑劉家大體雙

秋海棠

秋色不惱人紅灑
靈芸淚化作斷腸花
莫短英雄氣空階
鳴蟋蟀冷露濕荷芰
蝴蝶栩栩遊悞墮叢中睡

秋雨連綿漳河漫溢赴三臺
勘灾舟中感賦

人不使漳河與水利地不使漳河趨北去三臺波起山與
平扁舟聲喚公無渡我共縣黎均一體何以猖狂河伯妒
洪濤巨浪罪滔天魚首人身羞娶婦雨師桀驁風伯驕室
如懸磬田無苗銅雀入水化爲蛤豈其水井金鳳留盼星
辰高汪洋滿目痛心髓喧囂滿耳惟呼號流民有圖繪鄭
俠哀鴻來集毋嗷嗷

與姪孫慰慈夜談家鄉事不覺至曉

十年薄宦遊秦豫一夜思鄉語萬千綠竹已荒羊仲徑丹
砂未結葛洪綠雲山深處誰新隱歸去來辭感昔賢成立
喜看孫子輩清言慰我夢魂牽

愷端恂遠隔黔楚塵俗形容同我不猶記迷藏捉花下那

堪離恨鎖峯頭揚鑣已是都分道負重而今媿老牛惟有
忻兒耕且讀

姪愷端忻悔
皆長於余

羅浮烟雨自優游

接叔明桃源縣信

暫假桃源令亦仙武陵那待喚漁船問津自笑迷前路借
寇於今近一年花縣河陽潘岳老鴻文鄴下子昇傳何如
徧地桑麻好雞黍相邀小洞天

秋燕

欲去仍回戀主人秋風催我別芳鄰行踪到處皆如寄羽
客何時不是春知道石飛都幻影好從舄化逐仙真烏衣
莫自誇門第試看閒遊物外身

曲店卽事三首

新晴三日曉風清曲店泥途躑躅行兩月不曾看霽色
狷狷小犬吠花迎

曉晴何忽晚濃陰苦雨愁言十日霖風雨庶民箕畢是忍
教霽潦到而今

日寫金剛般若經無須點畫仿蘭亭色空空色空何色
透無形與有形

七月廿五日

丙寅七月廿五日我之始誕逢良辰藐軀弱小嗤劣虎淮
安生長依端人讀書就傳耽六籍問難滋愧先軼羣十五
隨侍赴袁郡菽麥未辨嬉弟昆諸生潦倒幾廿載四十筮
仕遊西秦笑本粵產善淮語亦如鴻鴈翻爲賓秋風不解

桂花馥晚節偏諂彭澤貧折腰屢遭督郵怒強項敢辱朱
雲頃芝軒中丞感特識薦剡竟得邀

殊恩汝璜東上覲

天子由洛南邁方仲春賦詩何計數百首迄今散棄無一
存存或貽人以話柄焚餘間有留其真文字早嘆枉彫飾
羈縛烏足同行雲夏邑量移至鄴下又歷三載洎漳濱磨
蝸命官苦蹭蹬韓蘓遷徙勞風塵片石高仰定國舊畫錦
未泯元勛新竭來仲宣費愁思登樓趙嘏忘前因今茲四
十又九歲知非謹誌遠瑗言

蕉聲

瑟瑟金風鳴芭蕉籬畔泣心可通碧天詩莫題紅葉

曉色入簾櫳晴光搖翠靄聽他聲帶秋惟有風難繪
曾見北風圖那如秋月色萬里淨無雲小亭輕綴碧
亦和讀書聲不共寒蛩咽擘碎薛濤箋手染蓂宏血

孫淵如比部新輯天官書考補商子括地志諸書欣
然有賦

譚天說地誰專門秦碑漢碣空煩究昔人成書亦豈易後
世考據亡其真曰疏曰註仿鄭孔句櫛字比徒紛紜入室
曾讀五千卷識字早解繁文刪天官括地著述舊巨手大
筆糜隄新眼孔我小本如豆見聞藉擴疑有神書來忽寄
盲心人怪事偏效西家顰牙籤一一苦讐校鄴架左右同
離籒古韻失實滋聚訟我尋標準遽討源

時余重刊本
古韻標準

流布幾廿載安陽敢忘潮陽言

余昔在潮陽縣署李南礪明府教以聲韻之學囑余

校是書

淵如學問窮邱墳英華咀嚙超風塵那須鍊石補天

罇直擬握管排坤垠上下縱橫善馳騁高明博厚歸氤氲
步趨自愧少仙骨荒唐謬說追前民搜羅金石志既篤屏
棄嗜好官彌貧良朋契濶秋水杳何時杯酒重論文

題楊龍友畫梅

花容娥媚耐風霜勁骨原從筆底藏姑射仙人惟愛潔權

門狎客竟留芳委身何故嗤方芷殉道真堪傲李香

秦淮女校

書方芷見龍友畫梅老幹橫枝時露勁骨遂委身事之時李香却因仰之聘屈意侯朝宗因嗤方芷失身迫明鼎既華馬阮駢首方芷竟與龍友從容就義李始信貞操歸晚香聞其事嘆曰方芷兒女而英雄者也

節莫從衆口辨炎涼

顧柳容華傾國態龔錢先後盛名浮文人無行原嫌此志
士成仁若是夫幾見寒梅甘附熱却從金鏤矢捐軀橫枝
老幹留生氣畫出綱常萬古扶方芷與龍友定情之夕正色而前曰君知妾委身之意乎楊曰不知方芷曰妾前見君畫梅知君脂韋隨俗而骨氣尚存欲佐君大節以全末路故蓄具中帶異寶而來他日好相贈也楊漫應之無何國難作方芷出一錢金箱曰妾囊日許君異寶今可及時而試矣楊發之中貯草繩數圍旁一小匕首楊愕然方芷厲聲曰男兒留芳遺臭所爭止此一刻奈何草間偷活哉楊遂慷慨自縊方芷亦引匕首刺喉而死

桂

金粟叢叢種小山何須高向月中攀天香不共無遮散野
興惟知一味閒南粵獻書羞大長東坡釀酒駐衰顏尋常
莫試吳剛斧留與仙人轉九還

浮折無端駕玉梁素娥飛渡舞霓裳歌於扣楫還延佇葛
爲牽枝與頽頽靈隱尙留騷客淚匡廬誰飲老翁漿重名
對爾真難副功德憑教問季方

曉起

曉起挹秋爽花深凝露濃二三星掛樹百八寺鳴鐘縹緲
階前色逍遙物外蹤道人無所嗜辜負水雲筇
月瘦山骨露雲輕風力遁何因偏起早不覺共悲秋黯澹
菊花徑蒼茫蘆荻洲一聲嘹唳過鴻鴈寄情悠

病後

病後身輕同敗絮風來骨響餌還丹殘魂驚怯留新夢一
枕秋思草閣寒

已是枯禪似老僧外魔猶自影層層風雲月露欺人甚情
緒何時息愛憎

吟詩習氣拚全掃饋藥殷勤未敢嘗鍼砭誰工治詩病東
坡居士和陶忙

門有白衣來送酒月留清影照離懷旁人未解呻吟故勸
我紛囂強自排

迎窮詩

送窮韓退之迎窮趙季子相距一千年窮鬼無生理忽感
衆緣生此老原不死攜手來入門顧我欣倒屣五窮各有
主四序隨遷徙本自定分在何以貧賤恥俗吏趨風塵鮮
肥快甘旨措大眼孔開閭閻怨譴起衆鬼嬉其前看爾吸

脂髓妻旣耀珠玉兒亦厭絢綺持籌昏旦勞競市田宅美
一旦罹誅殛行路交嗤鄙曷若我迎窮盟心矢江水官貧
身始輕才拙運非否五窮垂涕洟十目環相視

濁酒

午夜挑燈讀馬班借他濁酒醉酡顏生天靈運塵緣擾滌
器相如意趣閒萬朶風花飛絳雪一簾雲月隱青山矇眊
不作悲秋侶客燕賓鴻任往還

五更

最好情懷是五更回頭事事記分明爲郎合共馮唐老種
菊猶嫌靖節名但使此心歸澹定何須入世計枯榮南柯
郡裏迴殘夢靜數村雞膈膊聲

漫興四首

秋色嬌麗滿小園風景清
編籬開菊徑延月聽泉聲
一鴈花陰過層樓逸氣橫
捲簾發長嘯蓮漏已三更

迎爽出林麓澄懷忘古今
芙蓉紅漠漠松栢翠森森
異曲同商調無絃有素琴
天香散雲外識得契元音

吟蟬抑何涇零露已成團
日色入水潔秋波橫眼寒
遊鱗方在藻乘興且垂竿
亭子忘機好悠然我景韓

山光凝紫翠樹影半蕭疎
省彼枯禪寂原從實境虛
生天笑靈運真樂悟華胥
一片空明象晴牕讀異書

中秋

十分秋滿團圓節玉宇瓊樓月影高
香雨繽紛丹桂子清

歌縹緲廣陵濤葉羅幻術娛青眼蘓李文章吐彩毫開宴
呼僮先撤燭靜聽絲竹奏仙曹

悟主東坡終愛國盛名北海悔啣杯銀橋直與廣寒接金
粟先從上界開竹栢影橫牽藻荇鳳鸞聲杳出蓬萊長生
有藥姮娥竊分得清光入座來

寄尙之

詩人從古爲饑驅少年飽飫烟霞羈君旣東西走輾轉我
亦迎送羞泥塗卑官本是賤者伍幸未儕輩屠與沽尹何
豈堪學製錦終童笑曾同棄繻已似匏瓜繫不食却從櫪
馬悲鹽車太行青蔥好山色白雲繚繞留仙裾更有人持
九節杖敲碎峰頂千芙蓉嗤我原非食肉相與子志氣偏

交孚形容頗共石骨瘦面目還憎黧黑餘何時一攜謝朓
句搔首登高紅袖扶

幼輿將至詩以誌喜

老兄齒豁復頭童弱弟南遊又向東十載離懷脊令詠棣
華欣對酒卮紅

緘書迎弟又開緘遙計征程掛楚帆兩字平安已先到誤
緣喜極達空函

遲幼輿不至

四十六日無消息一十二時魂夢牽脉脉情思五更月瀟
瀟風露九秋天南人最怯車鄰苦北海新將酒戒堅且待
團圓開酒戒持螯大嚼菊花前

叢菊

零露何漙漙燦燦黃金盤東籬下叢生對我相悠然昂精
忽熠燿月影忘嬋娟霜塵花骨瘦砌悲蟲號寒幽人同其
澹抱琴而獨彈一奏鴻鵠驚再奏聲纏綿白頭吟者誰晚
節香非殘

兒啼饑

嬰兒失乳不能語呱呱戀母饑啼苦弱小原來肋似難嬌
癡那省頑如虎爾父官貧骨自清十年宰令手持平窮檐
常痛斯民瘠赤子誠求我淚盈同此情懷更無告况是頻
年悲旱潦赫赤驕陽水斷流飄零苦雨蛙遊竈兒尙食糜
兒勿啼眼前待哺滿黔黎殷勤普問嗷嗷口共說兒啼一

樣饑

九月初六日與常昭亭談粵海舊事時丁捧齋在座
白髯毵毵撫今追昔已廿年矣爲之慨然

廿年舊話祇三人片刻新聞勝浹旬同作粗官先後輩况
逢岐路往來頻登樓已近重陽節望遠空辜久病身風雨
滿城行不得東籬把盞問芳鄰

連日風雨作惡籬菊將開秋花都萎惟矮脚雞冠一
株海棠一叢移置座隅把酒對酌賦此遣悶

籬菊欲放仍未放誰與此花爭輩行連朝風雨近重陽惡
劇聲容忽悲壯經營忙煞種花人秋色移來頗幽曠雞冠
矮脚似侏儒海棠冷艷臨窻帳雖無金屋貯娉婷轉喜陶

家工醞釀峩峩不同顰翼形蹢躅復作傴僂狀偷窺座右
斷腸情已笑紅顏都幻相不如晚節留清香還伴先生稱
雅量

重陽日雨

已阻登高興空辜落帽人白衣宜送酒黃菊不爭春此雨
復何妒迎秋寧帶嗔蕭蕭木葉脫天籟出江濱
簾幕千里白霏微孤嶼青籬前花落落水面風泠泠人澹
致瀟洒曲高聲渺冥藍田少陵韻試取和湘靈

讀亡友仲則詩有感

乙歲遊京華廻溯已廿載爾我矜年少長安傲朱紫不賦
高軒過驚倒公卿屣謂翫垂天翼口吸南溟水同入笥河

門聲價況十倍心肝豈嘔盡齟齬奚自餞送我歸羅浮黃
葉秋風裏

庚年復握手不堪重回首分財思鮑叔小人悲有母純孝
本性成見善惟恐後日在酒家眠豈必謀諸婦君偏望三
台我獨種五柳

京口何茫茫輕波泛小航忽進白玉卮輕歌窈窕孌恍疑
歸桃源迥非夢黃梁願作合歡樹雙棲玳瑁梁詩情付江
水翩然而翱翔

黃金臺有賦駿馬骨難求津門騁驥足萬里追驂騑那知
負鹽車所遇同蜉蝣落落散晨星西遊懷隱憂

囊詩赴太華搔首問青天玉女不肯笑陳搏竟得仙縱情

同謝眺何事銘燕然登高窮遠目斗酒已百篇會心所到處薦飛魚躍淵

秦中我舊遊我到君先逝忽逢錢獻之定交丙午歲那識倦鳥心復吐淩雲氣韋曲與杜曲多少相思淚

今日披君詩悽咽難卒讀青雲期白首寥天摩黃鵠廻環絕妙詞本是豐年玉詎佳芙蓉城竟折才人福宴安非素志奔走亦鳩毒傷哉貧賤交未醉生芻束

和徐雪門旅夜原韻

月臨碧樹正風清夢醒黃粱已宦成野菊不知含笑態高歌寧作斷腸聲川流晝夜千秋鑑鴈唳長空萬里情坐久漏殘銀燭灺板橋霜跡有人行

康少山舍人至鄴極道清化鎮風土之美賦此以贈
不見先生十五年移家清化白雲邊名山新闢藏書府樂
土還饒種竹田羊仲徑從村外隱右丞詩在畫中傳何時
亦遂幽棲志追步裴王詠輞川

步和周東屏閣學楚北闈中與同事唱和原韻

捧

命衡文出鳳城三湘七澤共澄清桂香爭奮吳剛斧藜照
看燃太乙精萬頃滄波輸皎潔千秋金鑑淨聰明棘闈唱
和梅歐體思入風雲澹泊情

蒼茫黃鶴入雲中五色紛迷日下同珊樹羅時鋪鐵網玉
衡平處奪天工官墻高仰程門雪桃李新收楚國風八百

孤寒懷粵嶠

間學曾任粵東學政

景行屈宋大江東

江夏安桂甫學博赴都道出鄴下留連三日追憶丙

申丁酉兩年僑寓宣南法源古寺杯酒論文日相

過從歲月如流相看都白首矣醉作長歌以贈其

行

君昔日空黃鶴樓氣吞雲夢凌滄洲我亦山挾羅與浮飄

然浪跡金臺遊宣武坊南法源寺那堪迴首丙申歲詩壇

牛耳執黃郎

謂仲則

禪榻心燈傳寶誌海棠開徧艷陽天菊

花香散忘機地兩年杯酒交論文誰識維摩真妙諦猶記

九月朔風厲羅浮送我黃郎淚不復強爭豎子名未甘短

盡長虹氣同時年少騁新詞今日逢君感舊知相看白首

馮唐老猶自岐途悵別離

幼輿至鄴二首

一千八百里初秋今復冬

幼輿於七月十五日自江夏啟行來豫至十月初一日始抵安

陽縣署

人因離恨瘦花待小陽穠

今年節令稍遲十月初旬籬菊始盛開

楚豫

原連壤雲山已萬重家鄉談舊事友愛最情濃

見說從前話曾嗤仕宦人忘懷惟碩隱真樂有天倫道上浮塵洗樓中大被新一官匏繫久兩髻已如銀

十月十二日爲生母戴孺人諱日設祭署中感慟賦

此以示幼輿

丁亥十月十二日我母棄我冥然終維時零丁我與弟無財烏能喪葬豐今茲二十有八載恍惚泡幻歸夢中菽水

承歡豈易事孝思罔極真難窮嗟乎失怙又失恃譬如靜
樹無寧風栢棧先澤尙世守箕裘遠紹悲匪躬滋慟仕宦
五鼎祭冀歆俎豆千秋崇終身隱憂何日釋養薄一語開
顙蒙少小嬉戲不省事老大感喟愁盈胃安得丁蘭爲刻
木我母舛嚮歡音容

十二月十九日渡黃河

黃河白日風揚沙陸離光怪冰生花南岸渡船祇一里相
看咫尺成天涯冰稜新試劒鋒利河流奮激風影斜離離
亦自過鳴鴈杳杳轉笑同寒鴉須臾風定日亭午喧囂人
語舟乘車河中蟄鯉似鼠伏壩上凍柳萌春芽羣馬嘶逐
怒濤急一葦杭送騷人遐誕登得路試回首艱險備歷思

烟霞

十二月二十二日雪至二十七日始霽遙望太行一
帶竟成琉璃世界此豐年美玉也僕承乏鄴下忽
忽三載頻遭旱潦民氣未蘇茲得瑞雪尺餘來春
豐稔已可預卜因作喜雪詩以紀之

三年報最我何堪一尺瓊瑤慶普覃銀海推波太行北玉
山結綺大河南官因俗事心俱瘁梅到寒宵意獨酣回憶
羅浮沉醉日拈花無語對優曇

優鉢曇花不是花天花六出是奇葩彌空密布豐年玉放
鶴遙看處士家好聖草堂名繪雪何曾歌妓笑烹茶歲逢
殘臘風光好坐到三更月影斜

四百三十二峰草堂詩鈔卷第十四

惠州 趙希璜 渭川

乙卯

上元日立春

春逢上元日雪瘦小梅肥月影開新鏡燈光燦翠幃摩肩
還擊轂得意竟忘歸笑對踏歌者濃薰香滿衣

衣香與人影來去太匆匆柳未舒烟綠梅先向日紅爭春
自天巧剪裁定誰工鴉鵲噪初霽樓頭披輓風

郭家灣凍解涓水錦紋新三折一波勢元宵正月春銀花
開火樹珊瑚網躍金鱗鯨背弓橋上歡呼達旦人

四載安陽縣欣看木德仁斯民尙醇樸顧我愧因循胞與

本一體先勞非異人登堂警無倦

盛世樂同春

過大伾山聞琴

纔過船山又大伾春光明媚晴絲琴聲遠送平沙鴈正
在斜陽欲落時

彈琴道士地行仙訪我安陽忽一年却笑粗官非單父披
星戴月策先鞭

新月

新月啣日光蛾眉窈窕嬾鏡奩開一線太白拱東皇
映水魚驚躍穿楊梭乍拋東風善勾引霽色滿青郊

二月初三日渡黃河

春風纔暖桃花汛春色先舒柳綫青萬里黃河開地軸一
輪紅日朗天經揚波橫渡追飛鷁鼓楫中流走怒霆識得
澹臺滅明意劍光高射斗牛星

題李墨莊檢討登岱圖

昔有秦皇漢武求神仙東遊泰岱七十二代封禪圖經傳
我從粵嶠適齊魯盤輿曾陟雲峰顚今茲二十有一載仿
佛秦碑漢碣羅胸前桃花洞冷踏紅雪鳳凰臺翥摩青天
焉得青蓮筆揮灑快竒逸朝禮碧霞君夜觀滄海日攀蘿
附葛秋草荒松耶栢耶歸錦囊兒孫維沓羣山小好句初
吟長爪郎萬里烟嵐都入望九點模糊交揖讓伊誰敢與
泰山抗嗚呼曾不如林放

題童進庭樓觀滄海日圖

昨題墨莊登岱圖齊州九點烟模糊今讀樓觀滄海日恨
無縮地長房術天香桂子浙江潮靈山寶刹賓王遙此身
佳趣閒中得午夜秋風雲外飄飄香枉自稱風騷老僧畢
竟非班超好句何如傳絕域雕蟲空咽當良宵海水蒼忙
朝萬壑樓臺縹緲同蓮萼有人東望發高歌雞唱紅暎光
灼灼卧誇百尺陳元龍笑他長睡希夷翁夸父奔馳應暍
死白駒環轉無終窮潮來洶湧子胥怒强弩三千射不住
破浪乘風一葉船瀛洲方丈前頭路移情汨沒對汪洋知
道先生引興長願將徐福童男女博取壺公却老方

四月二日招孫嶽嵐小飲

芍藥當階贈晚紅時光已屆棟花風翻來喜對酖顏笑相
謔伊誰屬句工幾欲置身超物外那知狂飲寄壺中鄰家
畢卓方酣睡五石莊生未許同

大生堂看凌霄花

雙栢纏凌霄雲烟互熠燿光芒騰陸離鱗甲力排冪尺蠖
屈求伸夏木高寄傲掩映佛燈孤拏攬燭龍照柔似女蘿
牽色化忘憂貌花似萱草風來喧鳥語犀燃戲溫嶠錯認舍利

紅目奪庭中燎

楊鑑亭同年自伊犁過鄴把酒叙濶兼以誌感

萬里征途客三秋入塞人

舊秋鑑亭自伊城入口至今年五月十九日始至鄴下逢

君剛仲夏把臂是前因地不隔中外

天惟仰

聖神

國恩猶未報耕讀愧編氓

十載揚州夢詩人杜牧之清才招募府歸鳥遂南枝

鑑亭過西

安時秦芝軒中丞招致幕下

我宦秦中久君遊塞外時相看俱白首把

酒話離思

西域名瓜好香甜通荔枝伊犁勝哈密玉液釀瓊肌

鑑亭云哈

密瓜味通荔枝以伊犁將軍署中所產者爲最佳

轉笑酒泉郡何如星使碑人生

羞閉戶聞見鮮新奇

生入玉門關燕支雪滿山風聲戈壁海

戈壁卽瀚海也塞外稱爲戈壁灘

月影大刀環落落塵囂外迢迢蒼莽間笳留十八拍回首

慰愁顏

贈盤屋大令鄧玉峰

當年薄宦因貧仕此日逢君契夙心真似老兄憐弱弟忍
忘一諾贈千金彈冠友誼追王貢伐木風詩重古今鮑叔
永懷知我感莫將車笠短長吟

山盤水厓聚仙靈仙吏風流是典型陰德共知稱鄧禹法
言曾聽說黃庭前身一覺梅花夢大隱千秋柱史星五柞
長楊誰獻賦才名留得簡編青

濟源道中望王屋山寄孟縣盧東僑明府

雷聲殷殷起王屋飛出堯時白蝙蝠遠迎仙吏入山城還
化癡龍遊濟瀆濟泉之水清且瑩雨過天青陰復晴秋氣

森森碧梧茂野田漠漠虹橋橫渭川老子今狂生渺視太
白騎長鯨曾登華頂戲玉女夢吞丹篆排羣英愛他李愿
歸盤谷心醉陶潛種籬菊河陽有友盧玉川佳文願乞昌
黎續

自題雲車飛步圖四首

太白寄王屋山人孟大融詩有云朱顏謝春暉白
髮見生涯所期就金液飛步登雲車願隨夫子天
壇上閒與仙人掃落花僕今年五十矣由安陽調
署濟源尋歸山之張老訪恨別之岑參丹訣誰留
青蘿依舊爰作此圖以寄一時幽興云爾

白髮生涯誰似我雲車飛步濟源來落花新與仙人掃玉

洞今爲野吏開海濶天空明眼目碧霞紅霧總塵埃欲尋
四皓餐芝術直上峰頭衆妙該

張老笠留藏舊綫岑參詩續訪前因青蘿自愛縈王屋丹

訣何偏贈婦人別婦留丹訣右丞送張道士歸王屋句也顧我徜徉猶俗態此

生爛漫卽天真交梨火棗尋常事蓬島離羣又幾春

偶向塵中作酒狂又來方外友知章鑑湖船遜雲車穩小

有天饒日月長好步丹梯吹玉笛早從紫府飲瓊漿新詩

莫被盧仝笑兩腋清風覺渺茫玉川詩有惟覺兩腋習習清風生之句

每求吏隱何能隱茲信官閒不似官元微之詩芸署官閒不似官味別

酸鹹宗太白響遺難犬問劉安掃除習氣真成澹瀟灑風

塵畢竟難肆志願如貧賤日道人身在畫圖看

芝山同年以濟瀆廟七夕詩見眎依韻戲答

濟瀆度七夕雙星娛散人樂從閒裏得會以別來親河鼓
千年恨銀潢萬里春君山誰捧檄到此識通津

遠山懸瀑落澹月小池臨有術窮源本無端測淺深塵囂
應洗耳詩酒尙縈心擬共長庚飲毋爲白首吟

吏隱園

三善軒昔吏隱園濟源志載元和年元和之際昌黎韓會
送李愿歸於盤有唐令者誰爲賢李拯房琯天寶間後此
張洸崔泱當貞元不聞吏隱由斯傳無名孰勝榮名人君
子務實名乃賓佳山佳水清心神簿書案牘空煩寃我愛
茲縣風俗醇民知三代直道存出門不辨卑與尊此樂惟

解官宜民官民一體真隱倫德化千載何沉淪

題林曉岑指月圖

千潭同一月萬象擾孤禪參透形形者空諸印印然天龍
留色相居士證因緣非樹非臺喻如來在眼前

秋闈奉調作同考試官倣俳諧體戲賦十章

考簾

粗官仍赴考內外重分簾報

國文章裕求賢約束嚴班非聯玉筍香已滿銀蟾西抹東
塗客何能色相兼

關防

關防遵故事鉅典仰煌煌心共盟清白材應較短長鯢鵬

看變化燕許露光芒記否遺珠嘆槐花寸度黃

僕省試十次始獲雋

入闈

亦似歸蓮幕秋闈作者官玉衡同秉鑑鐵網獨羅珊豈等
操刀易由來製錦難入逢監試笑笑我舊寒酸

扃院

踰閑時凜凜扃院夜沉沉界以龍門畫

恩思北斗深外邊排檠戟箇裏索璆琳巡綽傳呼者如聞
藥石箴

分房

主試共升堂經分十二房拈籤歸左右擦眼認青黃自是
文千古何須智一囊衣冠看濟濟意氣定誰揚

命題

命題昭慎重立說戒雷同
簾密區儕輩堂高仰至公
千言原易得五字却難工
莫門新花樣欺余老眼蒙

閱卷

硃出於藍者因之針芥投
紛迷光五色比櫛緒千頭
有夢誇烹犬何人善解牛
冬烘還自笑仕學未兼優

填榜

揮灑如椽筆填名倩蔡霞
榜因龍首重書豈鴈行斜
風湧雲中桂機添錦上花
來年題塔字衣鉢付無差

撒棘

撒棘房官散猶如鵲出籠
大賢仍百里後進孰三公
期望

都鸞鳳聲名埒華嵩門才分七箇莫與老夫同

飲宴

呦呦奏鹿鳴各自認門生鼓吹與前導花紅馬上迎霓裳
同日詠墨卷此時名共挹秋風爽還聽月旦評

和蔣礪堂太史典試中州見贈原韻

製錦焉能步尹何星輶兩度笑絃歌而今竟續前言戲城
郭山林憶菊坡

衡才屢試珊瑚網大匠同欽韓退之敢附蔡霞仙府吏歐
梅聯咏錄新詩

石渠經術重周堪貞觀文章仰世南却幸仙塵無間隔巴
詞也入採風騷

閩海才人契舊緣康成已集百家編欣逢絳帳西移豫萬
頃迴瀾障百川

時閩縣鄭青璽大令分闈第十一房武卷
青璽爲礪堂門下士闈中集杜詩數十首

和副主試周春田農部見贈原韻

金鑑千秋有夙因文章屈宋是前身

玉皇香案神仙吏來度天中折桂人

少小原無仕宦情一官匏繫際

昇平親恩未報

君恩重新咏河清景率更

奇珠掌握鑒人才海內羣欽宇量恢原是東坡嘉好德萬

松亭下十年栽

醇風猶此葛天民直道蚩蚩自有真幾見陽城書下考重

勞星使駐行塵

和礪堂太史索米原韻

太倉有粟仰雲衢
竟是如雲不可呼
鎖院笑仍棲枳棘
日臨小楷學官奴

高齋學士庾肩吾
抄撰當年重宿儒
金玉未懷被褐客
綠何蘭蕙化爲芻

再和周春田農部見贈原韻

玉堂當日傳佳話
歐梅體格不相下
名重西崑符衆望
晚出東坡還自詫
東坡真味老更濃
曾咏狂言醒可怕
未聞紹聖元凱次
早列歐門顏冉亞
璜也少讀寓惠篇
豐湖十頃玻瓈天
詩和淵明趣本永
經通趙德誰爲憐
遷居亦自

聊復爾飲酒不醉偏陶然掃除習氣已盡淨徜徉山水斯
獲全西南一角生涯遠笠屐千秋仰舒緩奇窮落落意興
豪瘴海茫茫春漲滿江東應譜銅琵琶蠻謳又入紅牙管
却從冰雪爭輝光祇憑忠盡歸夷坦嵩雲秦樹勞聰明十
載浮沉雙淚橫磨蝎如何擾身命寒梅偏愛同淒清瓣香
敬上子燕子更尋賦客吟秋聲那及濂溪真道學坐我春
風成令名

春田農部以題成鶴泉鄭青巖兩大令集杜詩見脉
索和依韻答之

詩壇尊杜甫奇字問揚雄皮骨誰人得幽深大匠工成章
非點竄集腋不雷同小試補天手仍歸造化功

仗節油幢碧燃黎太乙青定知明照物如以影隨形附驥
真千古衡才重六經章施欽作服黼黻耀

堯廷

夙具人倫鑒常懷濟物心明公來顧俊小子愧鳴琴廿載

諸生老

僕作諸生者
廿年始獲雋

三更玉漏沉徘徊追往事今始聽元

音

千秋仰元禮衆望屬山公文字無今古權衡辨異同海瀾
迴鐵網霽月吹光風五色紛迷目瑤章爲發蒙

題徐臞仙定禪圖

此生落落何時定五蘊皆空猶未淨禪關參破舊蒲團恒
河不滅原來性臞仙骨瘦神彌清鹿苑花明光遠映如來

妙諦無中無菩提非樹鏡非鏡有時三昧偶遊戲右肩偏
袒果卽證是真是幻總歸實焚香枯坐聞清磬

題韓曉村秋林覓句圖

落葉蕭蕭萬木秋清風渺渺四山幽有人句自驚天得搔
首狂應醉白儔祇合才名馳洛下幾多鄉思在邗溝短衣
匹馬還憐我秦樹嵩雲已倦遊

送葉香祖中翰歸錢塘

夷門十月雪盈尺黃河兩岸黃埃白先生欲放黃河船乘
風吹破桓伊笛由淮鼓棹歸錢塘冒雪遊山蠟阮屐惟願
十日復一雪九九銷寒傾玉液先生本是湖山主詩人况
接林逋宅歸來放鶴梅花叢應笑折腰梁苑客清風明月

致悠悠茅店板橋情脉脉顧我骨俗身不仙相非火色鳶
爲肩抱關亦自似尹喜尋源未易同張騫不然或附李膺
渡不然竟割江郎瓊何爲希蹤强項令又數捫腹邊孝先
讀書苦昔聞世務贈句茲幸留瑤篇香祖瀕行爲杭河跋
余題梅夢圖望一葦廣離緒縈繞千絲牽凍雲垂脚豈膠柱寒笳亂耳
如悽絃先生歸矣我誰語信陵祇識侯嬴賢

和林曉岑述懷原韻

枯寂何緣見性真禪心原自物同春菩提敷座龍來問天
女拈花鳳集身清白早盟梁苑雪豪華誰步信陵塵欲知
空色空仍色一盞孤燈老更親

寓感四首

東華秘錄剩星辰錯擬詼諧獻伎身曼倩有才偏落拓馮
唐未老出風塵爲郎漫說憐三世溷俗何曾異兩人夢裏
竟忘仍作客尙歌白雪和陽春

四年前此寓夷門今對寒梅忽斷魂知我故人成陌上羨
他顛米拜雲根點頭欲乞能言術漱口還餘礪齒痕迴憶
迷藏花下捉童時戲謔已休論

青雲貧賤矢毋忘白首追隨敢自傷非是聰明由我誤今
知辛苦爲人忙譚經不折充宗角把酒空浮北海觴歸去
來辭新草就遠公底事笑行藏

鷓鴣不過一枝栖滿腹翻憐飲似飢貧到閉門難謝客枯
同鍛柳忍生稊向陽原自爲春易附驥烏能得路齊那識

幽燕悲老將猶留豪氣吐虹霓

附秋塋和韻

郎官漫說應星辰落拓方嫌衆裏身暖氣欲吹鄒子
律狂飈偏惹庾公塵悠悠閱徧三千界錄錄客隨十
九人歲暮冰霜方歷盡幾番芳信待回春

旅館宵談靜掩門天寒惜別黯吟魂銷愁且自傾三
雅涵俗何能淨六根鴻雪淨蹤留不定鶯花好夢去
無痕多緣力弱難酬報怨李恩牛總莫論

年來物我漸相忘得失紛紛詎足傷涸轍終教窮鮒
活占巢空笑拙鳩忙銅臺遺蹟尋香履雪苑前遊憶
詠觴各有千秋傳業在名山到處好收藏

衡雲無分且卑栖豈信高車肯載鼯孤影瘦於岐路
柳寓形微似太倉稊治由經術迂難效福與才名折
未齊却喜長篇緘遠翰化成十丈亘虹霓

信陵亭

末路英雄誰似此醇酒澆愁愁未已祇今訪古信陵亭盟
心沉璧黃河水吞噬無厭秦虎狼甥舅相依趙脣齒日中
車騎過侯嬴夜半兵符奪晉鄙平原歡聚留十年朱亥肩
隨惟一士論交海內重姓名任俠華堂盈劍履不惜千金
招客來那知首纓從茲起阿兄淚灑大梁城豪傑風傳貴
公子亭前茸茸秋草萋眼中漠漠寒山紫歸來回首憶當
年四君渴許春申擬

與黃五園話舊

細論桑麻舊難忘農圃情樹留青度歲縣以錦爲城不識
嚴冬雪時聞臘月鶯羅浮峰四百踏徧暮雲平

秦樹嵩雲好曾誇宦興濃十年猶故我五斗想遐蹤大瓠
攜莊叟焦琴抱蔡邕人間多棄物何日感遭逢

浮名曾有幾偃蹇竟如斯筆果同燕許才應重鼎彝郊寒
還島瘦骨傲復情癡似菊含霜笑三更月上時

五十服官政知非今未遲難更真面目緣已久支離水湧
豐湖秀山橫韶石奇九齡餘韻在風度是吾師

十一月廿七日充寶和尚招赴相國寺早齋

世味本如此僧廼知我情招赴相國寺時正晨鐘鳴合掌

禮佛畢咒鉢青蓮生照耀徹上下毛孔生光明返視淨無
滓外慮寧交縈飫以旃檀飯細咀黃齏羹其中有真趣不
覺佳興并捧腹彌澹永緘口羞縱橫亦效數座坐靜聞宣
唄聲天花何裊裊妙香來盈盈斯卽證非果且參珞與瓔
悟透當日午長松風剝削

題嚴雨峰白雲出岫圖

白雲本無心青山彌望眼有人獨夷猶看他自舒卷出岫
風飛揚映水霞裁剪或現圭璋形或染蔚藍淺或散爲甘
霖或爭馳鳳輦長依日月光一任鴻鈞轉

戲寄慎習庵

每逢月半憶中秋十二房如十二樓誰遣姮娥來竊藥習庵

於中秋日抱病余以姮娥竊藥嘲之天香飄處彩雲浮

舍鄰戚大與鄭十說鬼譚仙不肯休恨煞李華纔入彀

風吹過別枝頭

黃軾裳文落習庵房擬魁數日以策內錯誤抑置副車第一

渴說文光齊射斗已教健氣獨吞牛聯吟也學歐梅體佳話仍編古汴州

守歲

六十年過

化育仁建元三遇丙辰春遙知夜半朝

天客先觀

龍顏是老臣

四百三十二峰草堂詩鈔卷第十五

惠州 趙希璜 渭川

丙辰

元旦恭紀

嘉慶書元承丙辰日月復旦重光輪

太上皇帝敷深仁維天爲大同陶甄

天眷

聖人羲授軒

德冠萬代貞起元六十週甲

聖聖傳

父作子述宣尼言

肫肫淵淵思穆然蟠桃九千椿八千

傳位大典元日蠲中和韶樂美善全宰臣桂等趨侍焉內閣學士奉

寶前東楹西楹兩案間

詔書賀表次第宣

玉階之下三鳴鞭樂正肅雍贊排班

丹墀丹陛肩比肩文經武緯賢其賢王公稽首偕百官

皇太子率朝

天顏近

御座跪精一聞綿綿延延

異命申

堯典舜典道統存禮成樂作

乘輿還

內廷慶賀孫曾元家人之禮禮

至尊爲

天子

父

君事

親以天下養純嘏純

嗣皇帝更禮服新山龍藻火交飭氤

中和太和祥霽芬春官宗伯前敷陳奏請

御殿登極文三跪九叩嵩呼殷

皇帝陞殿翔五雲

丹陛大樂儀羣臣再奏禮成時向晨

還宮起座矐矐春宰臣跪送

乾清門宮監領侍扶輪轅奉

寶前導如有循燭龍脚照罔于垠千叟復宴臣與民杖

朝杖

國期頤分香山圖繪誰超倫彥博嬰鏢增精神

詔蠲租賦行殊恩

勅旨廿四垂綽綸

寧壽魏煥持洪鈞

皇極錫祉歌駢臻天地交泰和風暄鉤陳就列閭闔連太

簇協律磨左旋

北辰居所星順躔振振圃有遊麒麟翩翩閣引巢鳳鶩
大道蕩蕩還平平

小心翼翼仍乾乾政如矩方規之圓瑞符璧合珠爲聯
宸章輝燦七曜懸

曠典溥博彌億年

送門人高雲亭孝廉赴千叟宴

雲亭八十四始作我門人長我世四齡下筆千萬言矍鑠
豈云老文字真有神去年

曠典逢賓興沾

殊恩

生以乙卯鄉試
欽賜舉人

我猥充同考閱卷評疵醇冬烘嘲頭

腦光怪迷續紛最後得生卷卓犖思不羣擊節亟呈薦數
典都邱墳誰知荆玉璞徒共和璧完省試已廿度毋廼嗤
試官試官還自嗤清夢糊眼昏名成孫山後曾踵耆英先
重開千叟宴身遊五雲天仍偕計吏行欲奪錦標旋鄴下
我送子班生如登仙

洪稚存學使同年差竣過鄴招赴海棠吟屋小飲賦
此贈行卽以誌別

雪消梅瘦春瞳瞳踈牕曉透初曦紅乾鵲噪檐遠客到海
棠吟屋新醅濃黔南三載士丕變大匠獨運斤成風氣象
蒸騰已日上山川斐亶羅胸中發之詩歌數百首譬如環
珮交玲瓏君昔規我絕吟咏時披案牘仍冬烘差幸民俗

頗醇厚無須鉤距勞聽聰把酒對君技復癢閉門覓句嗤
難工會當習氣掃除盡檮櫟散棄甘龍鍾

朱蕙圃司馬過訪

新春已半月小雨怯春寒佳客忽遠到凍醅傾夜闌宦途
同偃蹇離緒各悲歡捫虱談偏縱粗官對冷官

李翠村明經以邵吟臯七美圖小冊索題爲賦六絕
句

相俚相傍並頭花可是昭陽舞袖斜姊妹雙雙歌赤鳳忍
將團扇學班家

獨倚雲根有所思春情脉脉柳絲絲箇人尋夢還喚醒竟
似花房蛺蝶癡

整鬟擣頭望遠人關山何處最傷神
茶鐺藥竈深閨物飲恨梨花一樹春

小立徘徊淚已盈秋波臨去更留情
緣慳未遇黃衫客鸚鵡仍傳笑語聲

坐亦無聊意態慵乍聞月下泣寒蛩
采蘭贈芍風詩事回首春光邂逅逢

元機道服出風塵錯認麻姑是後身
十美图憐缺三美竹林留伴七閒人

題稚存學使楓林揖別圖

紅葉滿牀荆故人來萬里眎我揖別圖
祖道黔南士化雨感時滋春風吹鵲起
烝髦作棧樸倚雲茁桃李傳經儀絳

帳抱琴彈綠綺衣冠蔚羅施澧沅採蘭芷玉尺酬

主知金門肅星使載筆歸

楓宸輜軒詒太史

邱春岫刺史過訪卽席賦贈

京華握手十二載甘陝同官曾六年每羨蘭山枕葦渡茲

從淇水遣魚傳

春岫次淇縣卽郵書示知見訪

春光已滿杏初放夜色欲

闌人未眠話舊轉增新別恨板橋茅店曉風前

故人不省余頭白我愛徵歌君馬黃行部好稱良刺史佩

韋猶訪舊琴堂羅浮同說家園夢

前任彭君元一爲同郡惠州人茲在座黃五園

李翠村皆同郡人

燕豫分聯上下牀

磁州與安陽接壤

送客朝

天馭鳬鳥樂巴那似謫仙狂

銅雀臺

金人十二銷咸陽仙盤承露何遑茫秦宮漢闕悵西顧銅
臺東揭漳派旁董逃歌歇委鬼繼官渡凱奏袁紹戕茲臺
猶紀建安歲挾天子令諸侯王七子詩歌似鵲起五馬吞
噉同槽傷何以神姦不鑄鼎却教遺妓悲分香江東亦僭
赤烏號鄴下侈說黃龍祥我來憑弔增浩歎樓傾樹圯歸
汪洋雀飛入水化爲蛤燕踞窩裏花非楊正如蜃氣散巨
浸風鬟雲鬢相翱翔陳思八斗莫能賦韓陵片石分餘光

輔岩山行

鶯囀新聲曉弄晴小桃紅暗柳偏明
祗綠雨過春風細搖曳山光百媚生

菜花黃間麥青青十里平岡畫作屏
酌取珍珠泉畔水好從陸羽品茶經

舊年曾蠟遊山屐王屋天壇飛步行
金液未吞仙宅邈雲車滿載落花輕

翠巒紅雨帶雲耕白叟黃童讓畔行
一幅幽風詩內景却教渲染輔岩城

水冶鎮本輔岩縣故城尚存

和秋勝獨立二首原韻

孤鴈凌風君謂何
違憂懷惠趁暄和
嘔心人笑李長吉
相骨誰師楊子阿
茲信奇才多末吏
好憑巨手挽頽波
渡漳越客疎狂甚
獨上銅臺且放歌

因受鞭多老更頑
却從謀拙意仍閒
懸河口遜縱橫舌
問

世名齊大小山已共莊周喻游又何妨唐舉傲態顏韶光
處處催花語識得春歸淺淡間

烏將軍歌

將軍東三省人名烏什哈達自伊犁釋放回旗道
出鄴下時年六十有六矣余與將軍有舊置酒款
留語及楚北逆匪滋事勸將軍從戎將軍蹶然興
奮然起挽十二石弓上馬左右射樽前握別卽日
南馳余感其忠重其義爲作長歌紀之嘉慶元年

三月三日

巴圖魯烏將軍從戎百戰瘡痍身眼空前代無古人勛名
圖繪

紫光閣意氣傾倒平原君烏將軍巴圖魯執轡如組力如
虎陣雲深處聽鼙鼓慷慨悲歌忠孝生憑藉高風鴻鵠舉
今年塞外歸春日揚清輝訪我叙離濶揮淚垂征衣進君
酒贈君詩勸君毋忘少壯時少壯蹶張誰等夷君聞余言
忽四顧笑酌卮酒橫雙眉十二石弓左右挽百步之外穿
楊枝英姿蕭颯似疇昔天馬汗血奚絆羈樽前握別赴楚
北矢志滅賊明恩威我作此歌送君去誌君東省真男兒

寶蓮寺紫牡丹

古寺偏開富貴花佛燈紅印紫袈裟僧言夢醒盧生種

寺內

牡丹皆太守盧公去任時移植我愛欄圍璧月斜到此已參新證果含芳
猶守舊根芽洛陽久入無雙譜偷散續紛鹿女家

不向塵中復微笑却從會上聽無遮東來客望函關氣內
有泥封紫誥麻醉似晚霞含日麗香隨輕燕受風斜梵王
也爲多情累舌吐青蓮轉法華

三月二十七日餞春

少年不識春光老薄宦難隨物候新已較蘭亭修禊晚衣
香人影餞春人

良時再遇又來年春去春歸燕子先勉與萬花留一日匆
匆催度艷陽天

春岫赴狄道州任疊前韻送之

已是離懷牽往日未知此別會何年春風送客紅塵遠蕉
葉裁箋綠字傳曠世詩才尊杜甫描情盡手倩龍眠西行

猶在陽關裏三疊無須咏酒前

倉鷗老去含桃赤布穀聲忙秀麥黃詞客誰能終畝芥
舟我笑泛坳堂翻階芍藥花千樹侵戶荼蘼月滿牀新構
小園書吏隱故人更較舊時狂

和同年蔡生甫太史放言原韻

梅花村裏夢初還記得華胥世界寬弱水無邊誰共渡
蟠桃纔熟笑親看揮毫才騁千言易成道功虧一簣難底事
仙塵猶間隔聲風木是返魂丹

花魂

萬卉被文勝服織小園春媚復秋嚴蘭房卷舌疑尋夢蜂
背偷香似裹鹽和月迷離歸樹杪因風縹緲下宮檐鳳仙

夜擣嬌娃慣染徧紅鴉十指尖

紅藥翻階噪暝鴉玉瓊化蝶逐飈車妙香已返音聲木幻
相猶開頃刻花姑射行雲無定所羅浮賣酒是誰家莫將
顏色邀恩倖十八姨來度洛叉

蝶夢

遺衣合度辨穠纖拍板停敲約束嚴夜影沉時憐舞袖梅
叢深處卧飛鹽雙輪栩栩迎仙吏五色空空散綺檐知道
滕王描不出待予揮灑紫毫尖

碧樹朦朧憩倦鴉白駒旋轉引縲車相邀秋水忘形容同
醉春陽稱意花廣莫忽逢金谷豔逍遙仍度繡衣家梨梢
百尺愁無那招得離魂倚玉叉

鳥語

幽庭垂綠草纖纖清淨塲中說老嚴宛轉不同吟楚些楚辭招魂何爲四方些註夔峽湖湘人凡禁咒語末云娑婆訶三合而爲些也韻會些蕪箇切娑去聲語辭也縉蠻原是唱吳鹽吞聲欲泣因歸隴有意依人故拂檐真果能言偏悅耳笙簧調熟韻柔尖

早從穀穀聒神鴉那似啾啾叫鬼車巧舌乍翻連理樹好音時報隔簾花幾曾喚雨遊芳甸自解呼名訪道家天氣嫩晴紅日麗聽他飛過竹丫叉

蟲吟

支氏談禪有小纖小鳴應候演華嚴琴傳嘒嘒千秋鑑詩咏嚶嚶滿座鹽樂府新詞翻絡緯山家野致對崖檐似從

促管繁音外斷續風吹急愈尖

天桃開徧鞞雲鴉野陌吟隨挽鹿車喧惹兒童來鬥草聲
傳階砌愛評花細聽協律宮商譜轉笑無絃靖節家石上
三生敷演熟點頭魂礪簇攬叉

贈蔡生甫太史同年

摩崖昔揚中郎碑建寧廊閣銘昭垂又摹石本君謨帖烏
雲紅日懸針披今年鄴下識生甫步趨我笑同東施焦桐
琴久世所棄龍團譜亦人難稽乍從巨手試并剪正如病
眼開金鑑學仙學佛苦識閤作詩作字貽羣譏生甫詩好
字更古譚元況證須菩提三生一夢覺後覺如幻如影疑
滋疑燃灰勿復生愛惜所貴清淨超籓籬天花不着我何

染妙香已散空無爲登堂握別都是寄相對竟日交忘疲
君行猶能憶我否莫言老大徒傷悲

磁州道中

繞郭荷花十畝香絳房風送馬蹄忙看他卓立亭亭影偏
與朝霞鬥艷粧

將開未開含露紅一枝兩枝西復東白鷺伺魚驚避去行
人纔過柳陰中

水田漠漠草拖藍月影啣山橫遠嵐柔拂一枝蘆荻外錯
將豫北認江南

鶯鶯穩睡花處深鈴聲鞭影來城陰誰人喚醒黃梁夢辜
負仙家度世心

鍾鰲石大令北戍回粵道出鄴下置酒叙舊感而有

賦

人生聚散非徒然榮枯得失身外緣
花飄瀟灑與茵褥戲弄筆墨空雲煙
鰲石年少狂似我四百踏徧羅浮巔
我亦山中騎蛟蜃葛洪鮑靚相周旋
銅龍銅魚伏丹竈交梨火棗貽金仙
天雞夜叫滄海日瘖虎時飲朱砂泉
村野祇合老巖谷揣摩何必同贖涓
紛然仕宦動我前我秦君楚魂夢牽湘雲隴
樹各回首登山臨水追華年白頭已是壯心
隳碧筒試嘗霞觴傳醉吐陳思八斗氣爲君
塞外瀕屯遭六月二十七日夷門寓邸與朱筠亭話別

溽暑酷如虎積潦銜盈尺君自鄭州至話別遠行役知交

十年舊聚糧千里適仕昔欣同方形骸癸間隔偕登華嶽

頂三弄桓伊笛馳驅雲棧深笑傲星紅側

星紅峽在鳳縣西南戊申歲余

與筠亭同官漢中

避穀山栢紫丙穴桃花碧

署陽縣產嘉魚三月桃花水發土人以此

時取之

相看都野吏祗合棲枳棘顧我東入豫虺隤馬伏櫪

君猶西滯秦風木心多戚可憐忽垂翅不忍事捧檄茅容

自耕野林宗偏浪跡去年我訪君設黍以供客深知澹遠

人已銷煙霞瘴池荷絳雪凝岸柳金絲冪囊無陸賈金酒

載揚雄宅詩書課子孫鄉閭留楷式浮名何所累賢者不

可測今茲復幡然離緒填胷臆小醜肆跳梁商於駐檠戟

從戎氣獨壯移孝忠於國慷慨語遠旦增余情脉脉

輓欽州馮天巖學博二十韻

海濤夜湧颶風發日南銅柱中流折三神山反居水下五
羊使者寃填結生人七十古上壽君子世澤隆百粵閩訃
涕淚如黃河憶公言行孚皞日珠江我昔交魚山同是青
年今白髮葑房已死二樵病大禺小禺靈氣竭先生和藹
常融融獨造襟期還憂憂而今父執幾人存况復良朋干
里別芳信遙遙庾嶺梅離懷漠漠金臺雪康強逢吉忘期
頤飲食爲公祝哽噎書來哲嗣愴呼天餘生苦塊詞顛連
佳兒穎慧萎玉樹拙宦偃蹇追坡仙金蓮亦自撒歸院巨
筆濡染窮方圓齊名天下仰軾轍淵源家學傳老泉義獻
共知濟其美箕裘滋羨爲之前石龍親侍先氏幃花縣愛
割江郎璠嗚呼大賢竟長往歌咽薤露聲悽然泰山遽頽

逝波杳隙光斜照空塵緣隕星愁對少微失返魂未得靈
砂延作詩掛一仍漏萬奔喪目斷揚州船

草菊

不作黃花貌紅藍間色奇先秋堅晚節乘夏得芳時小草
向榮易幽人尋醉遲移來栽雨後長短兩三枝

四百三十二峰草堂詩鈔卷第十六

惠州 趙希璜 渭川

丙辰

香有鄰堂二首示悅懌兩兒

仇池作令荏苒十年鄰閣有銘誦維千載尋青山
之陳跡得黃絹於中郎當懸崖架閣之旁認香風
有鄰之句旣顏畧陽官舍堂以銘傳重題鄰下書
齋鄰因香永云爾嘉慶元年七月七日

香風遠溯蔡中郎與古爲鄰鄰閣旁回首青山十年別重
題絳帳滿庭芳佳兒玉樹思前諺賤息舒祺衛此堂好把
分陰同愛惜老夫北牖夢幾皇

建寧隸字摩崖舊東漢經文入世珍千兩鴻都門下客萬
重雲棧閣中春淵源程邈書之祖仿佛坡仙德有鄰九十
九泉親到處增余惆悵望西秦

美蔭軒

廳事西偏大槐一本其南有軒三楹蔡生甫太史
取卿經字以顏之曰美蔭軒詩以紀之

大槐誰守南柯郡生甫親題美蔭軒如蓋如雲真得地好
枝好葉本無言垂將綠影濃宜夏開徧黃花晝掩門知與
詩人供嘯傲嘉名聊藉卿經存

秋晴

一番秋雨一番晴晴後涼風樹杪生爽氣西來纔幾日斜

陽掛處亂蟬鳴

荷冷花房開日午桂凝金蕊冠秋英闌干獨倚池塘上謝
氏新詩夢不成

蟋蟀二首偕鰲石同賦

新秋一夜雨蟋蟀上堦鳴淒促似急管離愁縈短更寒衣
刀尺淚野店桔槔聲萬里歸來客關山無限情
粵海五嶺隔穹廬八載過南蟲吟切切北鴈羽譙譙聽者
情忘倦悲哉意已消宦場濃澹况爾我話通宵

涼風

樹杪涼風動西行萬里來吹澣新月色聲引暮笳哀一首
歐陽賦千秋庾信才先生掃蓬徑黃葉伴雲堆

題薛竹居所貽蘆鴈畫幅

竹居老叟七十七揮毫潑墨猶淋漓記得那年纔總角親

看廼舅賦新詩

竹居爲邊頤公之甥頤公以蘆鴈擅名詩亦雋永竹居則酷似其舅也

道人整日說無愁寫到淒涼亦感秋

頤公有題蘆鴈句云道人本是無愁客寫

到淒涼亦感秋

秋水秋聲與秋色萬蘆深處一扁舟

今余白髮已參參似鴈飄零旅味諳琴調平沙試重譜幾多離緒大江南

寄懷鄱陽鄧菽原

菽原翩翩美少年鄱陽浩浩湖水鮮琴高已跨赤鯉去梅福不藉丹砂傳我識君時纔廿八今又九載精磨研考据直欲邁韻籀雄文獨扛齊左遷寶雞縣署之東偏我與尊

人談太元君侍尊人屏足焉猶如玉樹臨風前去春迂道
來鄴下海棠吟屋花初妍置酒款君叙舊話得言忘意相
陶然顧我抱關愧白首送客偕計遶青錢策名看賦日五
色倚馬可待詩百篇何以珥璫斜陽天登科人重劉蕡賢
他時載筆侍

丹陛好將艾鳳圖凌烟

緘家信

千行萬行書不完千絲萬縷心茫然緘封忽又啟緘看鴉
頭蚊脚何曾乾中有要語竟遺漏况是至性尤纏綿我家
小阮似玉樹阿甥酷類無忌賢二子昔日所鍾愛十年久
別愁縈牽名疆控縱孰得失老妻弱稚都平安故園松竹

勿剪伐充棟典籍勤磨研待余投牒賦歸去亂書安穩堆
中眠

聞官軍收復當陽肅清縣治上弇山尙書

半載重圍墮

聖衷孤城克復仰

褒崇綠林爭覩櫓槍靖彩筆先馳露布工贊畫行軍韓庶
子囊鞭迎拜李涼公遙知雷動歡呼日馬上鐃歌戰士雄
大將前驅建旗鼓尙書專闢壯聲名忍忘戴履邪氛肆尋
奠河山殺氣清

帝澤特開三面網臣躬親督兩湖兵光天化日施懲創復
性還教遂爾生

不飲酒者數月矣重陽對菊以茶酌之戲成七律聊
自解嘲

年年狂醉東籬下今日攢眉對此花晚節頗能堅酒戒澹
情依舊屬詩家遠公許入匡廬社陸羽新煎顧渚茶莫向
人前稱博士好將膽大問劉叉

哭穆英甫中丞

數畝宅仍非已有四方賂却畏人知玉門不共班生入
金殿先傳鄭相詞報

國寸心留絕域招魂萬里泣靈旗道旁敬上生芻束難忘
深恩杜牧之

雪夜

狂風靜階除細聽簾幌響瓊英開夜闌銀河涵月朗
一燈寒熒熒蕭齋白生虛我已萬慮屏識解超真如
竹枝時作聲積霰風壓重龍孫嘯有因玉女衣無縫
妙香不可聞清心所獨見廻環姑射山變駭神人面

讀書

一事不就理此身奚樹滋少誇從政易老悔讀書遲花縣
徒爲令陽城可共師何妨求下考勞拙兩言奇
髮已盈頭白心多未了因聖賢聞過切仕宦任勞頻小試
操刀宰宏猷運甃人莫談黃老術汲黯愧貞純

善應泉

泉水一泓澄似練碧雲紅樹往來情小南海竟成香市梵

咀潮音萬籟鳴

摩崖天保與貞觀

摩崖有北齊天保元年暨唐貞觀三年碑

寂寂禪燈佛兩龕

寶筏誰將尋鹿女天花開不到優曇

栲栳山

蜿蜒聯絡上黨脊岡巒起伏太行脉西來忽作栲栳形幽
尋慰我烟霞癖林慮尾逐同兒孫洹水斜飛奔霹靂千支
萬派交潞洄其象爲蒙始涓滴藩籬鄴下靈秀鍾憑弔漳
南興廢蹟西史功德風猶存曹魏石趙豪華駒過隙山中
道士百年人門外長松青眼客古今閱盡世情濃草萊安
守寥天寂

晴

濃陰十日雪野色如凝脂朔風捲雲散旭景涵清輝照耀
奪眼目上下熒琉璃鳴鴈聲離離凍雀情依依紅霞相掩
映玉樹交柯枝石髮披已銀冰花吹作絲纏綿牽晴光縞
素呈妍姿檐前人負暄皓首雙龐眉

種菜

吏隱園東隙地偏開畦種菜落英前來年二月黃花早且
看青青門雪妍

充庖霜老菜根香學圃樊遲灌漑忙免向人前誇肉食官
情如此笑清狂

五十知非酒戒堅田園真樂小人傳荷鋤抱甕呼童子我
結束坡耒了緣

煮石餐雲昔療饑鐘鳴鼎食漸支離萬錢不許何曾買五
柳能同靖節奇

脆於春笋嫩於菰剥取黃芽飫客豐脫粟飯饒官味好莫
誇里社宰猶公

濯園隨意可徜徉綆短休憐汲太長已是枯樺捐棄久漢
陰忝廁丈人行

夢

少時有夢卽遊仙老去兜元與我元白髮盈頭非往昔黃
梁未熟悟前緣門盈珠履三千客身在鸞臺四十年一枕
盧生還道侶黑甜風味轉茫然

姚曉園大令宦遊粵海十八年矣今冬解組回晉道

出鄴下以蝴蝶蘭爲贈賦此志謝

代北人從粵海歸梅花雪月影霏微道經楚豫忘修阻泉
飲夷齊辨是非十八年栽陶令菊五千里贈葛仙衣翩翩
蛺蝶羅浮夢鄴下開樽笑佩韋

余以佩韋名堂

雪後山行

雪後山行日出初峰峰璀璨玉芙蓉紅輪遙射晶簾外萬
道霞光織寶梳

瓊樓玉宇會羣仙我與仙人結淨緣共覓袁安高卧處小
梅夢醒已千年

風

聞道黃河水風鳴遠撼山瀾廻噴雪浪冰攪走雲鬢豈是

狐能聽應憐鳥倦還落帆斜日渡愁緒渺茫間

煨芋

煨芋飼稚子農家風味存情同嗜羊棗名雅擅鴟尊撥火
頻添炭含飴好弄孫年來老夫婦閒卽叙田園
回憶田園樂何如仕宦濃調羹欣骨董煨芋笑龍鍾自顧
頭盈雪休誇腹有松豈仍堪五斗道左折腰慵

少年行

猿臂雛兒年十五彎弓夜射南山虎尺五天低太白高縱
橫志氣無今古三河枉自誇風流桃花人面交夷猶學書
不成工擊劍龍泉光奪芙蓉豔

食韭戲作

猶有殘牙食韭黃
韭根不雜麥苗香
豪門蠶味原如此
王愷何須羨石郎

餽飪圍爐炙半黃
韭芽贏得飽枯腸
閒尋九九銷寒會
梅杏花開問短長

十一月二十三日冬至用杜韻

赤草欣看物候催
公羊傳春王正月疏凡草物皆以十一月動萌而赤
黃雲先向日

邊來四時律應三陽首
六琯葭通九寸灰
新得異花名瑞

聖玉海天聖六年十一月癸卯益州獻異花似桃四出上異之目爲太平瑞聖花
好同佳節譜茶

梅茶梅花開十一月月中花如鵝眼錢而色粉紅心黃開且耐久
種瓜道士江南去
顛倒

生機坐上杯

霽淞歌

曾子固齊州冬夜詩香清一榻氍毹暖月淡千門
霧淞寒自註云齊寒甚夜氣如霧凝於木上旦視
如雪日出飄滿階庭尤爲可愛齊人謂之霧淞

霧淞霧淞置飯釜豐年美玉充簷棟梅花不點壽陽粧曉
霧還飄龍腦凍日光樹影懸清輝風鬟雲鬢交霏微半圭
山出瓊樓外一桁帆從銀海歸

魚兒酒

香凝龍腦魚兒酒客泛金卮綠野堂玉鱸有魂依琥珀投
綸轉笑左慈忙

敲冰紙

蔡倫不識敲冰紙剡水誰爲載月人臨仿蘭亭試呵凍我

家松雪出風塵

子夜冬歌

寒月明疎林孤燈寂蕭齋生機一陽動草赤萌枯荻
梅花嚼數升和以冰雪堅冷香沁骨新幽人高枕眠
夢迴村雞鳴牕外風聲驕茫茫行路人萬里鄉心遙
悠然松栢心青蔥枝柯交下營蛟螭窟上結鸞鳳巢

十一月二十六日吏隱園對雪戲用藕題松風亭下
梅花盛開韻

瓊瑤一夜飛城村滕六來攝嬌娃魂蕭郎閉關罷敗獵先
生清睡忘朝昏宦情老去悟吏隱茶畦新築開芳園散鹽
詠絮試相擬圍爐笑語迴春溫曉烟倒湧渤海浪疎臆斜

漏東方暎玉龍遠引散花女空相已入般若門孤蓬自振
孰先覺六塵不擾欣無言師雄幻夢今杳杳且浮大瓠莊
生尊

題旗亭畫壁圖

豪興詩人當若是畫壁旗亭真快事好句何曾識者希佳
伶不省神仙至從來一笑傾人城雙鬟宛轉歌喉清白雲
冑空自邈邈黃河遠上常盈盈藉爾新聲譜新曲大珠小
珠還斷續點指先輸田舍奴徵歌最後人如玉我題此圖
冬已闌詩成莫作等閒看梁苑昔年分險韻鄴中今日獨
銷寒

會同時賦詩者七人今則良朋星散矣

辛亥冬秋隱大令於商邱縣署作銷寒

冰飭

冰筋掛茅檐梅梢朗素蟾倒懸針蠹蠹露出玉纖纖影正
從繩直芒寒上筆尖聰明同爾淨端爲借籌拈

臘八粥

胡桃與松子臘八粥中添雜果饒山味盈甌共蜜甜鄉風
欣饋餉浴佛禮莊嚴飽飫黃齋慣新看色相兼

八磚學士歌

分陰可惜不知惜日過八磚方入直良時惟願讀三餘壯
志空辜賦五色玉堂金馬神仙叢鸞臺鳳閣朝暎紅漫詡
文章能報國那堪疎懶復衰癯

瘦羊博士歌

小羊瘦大羊肥殺羊分肉亡是非哀多益寡博士議投鉤

聚訟甄宇遼臘日詔書下綸扉先生忘同曼倩饑冷官腹
果大好事苜蓿盤自貽嘲譏萬羊夢裏偏依稀杯羹俎上
誰指揮長材空羨宰里社流俗不肯隨脂韋清風介節追
前徽朝饗夕殮藿與薇莫笑中書常伴食歲寒守此已知
希

十二月十九日聞笛

一聲嘹亮破烟霏萬里晴光上翠微臘盡春回鴈北嚮曲
終人散鶴南飛

北齊武平二年佛座

座高八寸餘長二尺餘乙卯二月于役三臺開挖
引河得之移置臺上其銘隸書九十二字云蓋大

士慈悲施缺畏於六趣菩薩弘護恣神通於三有
皇心所以翹仰聖意所以慇懃皇太后以武平二
年十一月十三日敬造觀世音石像一區以此勝
善仰資武成皇帝昇七寶之官殿皇帝處萬國之
威雄旁兼有心之類一時俱登聖道

武平二年十一月敬造觀音石像銅雀臺中央其座隸書
九十有二字其詞慈悲弘護資無量汝父如龍汝兄虎鑄
像不成逆謀沮瓦全玉碎伊何人文宣孝昭徒自苦濟南
後卽樂陵續骨月相殘悲纂取東廊帝贊詠虞賓片石韓
陵留獻武太后勝善功德邦家光雕鏤追琢牟尼丈六之
象垂煌煌是夏定陽段韶克六月是秋操戈龍子琅琊王

九龍母死着緋服三臺遊宴忘新喪握手勿負是何語士
開祖珽交猖狂我得此石漳水畔乙卯二月春已半開河
掘至數仞深揮鋤忽觸星光粲移歸臺上勤汲濯懺悔泥
中久汙漫佛軀想已入化城座銘不敢輕披玩悲歌百升
飛上天寃填盲老燕菁烟國師侈說女媧事太后不迎迎
小憐

送竈

送竈家家二十四傳說竈神偕歲計朝天火速莫流連好
達茅檐瑣碎事膳卒奔走庖夫忙宵殮飽喫星旗颺留神
小駐聽我祝厨門燈燭交輝煌貓犬觸穢一年久奴婢喧
囂時復有三朝新婦嘗羹湯中饋誰家好箕帚祝罷雙手

燒紙錢粉餌圓餠紅餠鮮棗糕榛栗並酒醴猪頭爛熟供
几筵竈神醉飽馭雲轡杓長杓短欣奏事紺裘赤舄稽首
陳丹隱豆羹與簞食